



RISKEN SOPP- OG NYTTEVEKSTFORENING

Øvre Halåsveg 18

6490 EIDE

Att. Anders Røynstrand

Saksbehandlar, innvalstelefon

Pernille Stordal Rønning, 71 25 84 83

Dispensasjon for innsamling av materiale i Boksaspa naturreservat og Vasselen naturreservat i Tingvoll kommune

Statsforvaltaren i Møre og Romsdal viser til søknad av 01.07.2021 frå Risken sopp- og nyttevekstforening v/Anders Røynstrand om innsamling av materiale frå ulike soppartar i Boksaspa naturreservat og Vasselen naturreservat i Tingvoll kommune.

Søknaden

Risken sopp- og nyttevekstforening har eit aktivt kartleggingsarbeid innan artar av sopp, karplantar, lav og mosar i Nordmøre og Romsdal. Dei har eit aukande fokus på å samle inn belegg for dokumentasjon til dei naturhistoriske museene og innsamling av DNA-sekvensar frå enkelte funn for sikker bestemming av artar. Dei søkar om å samle belegg og materiale frå ulike soppartar i Boksaspa naturreservat og Vasselen naturreservat i Tingvoll kommune i perioden 1. august – 15. oktober 2021. I Boksaspa naturreservat er det blant anna funnet og fotografert ein brunpigg (*Hydnellum fagiscabrosum*), som ein går ut ifrå å vere ein nyleg beskrive art for vitskapen. Risken- sopp og nyttevekstforening vil på oppfordring frå Sabima samle materiale frå arten for å kunne verifisere at det er riktig funn. Dersom det stemmer er Boksaspa det nordlegaste kjende veksestaden i verden for arten.

Lovgrunnlaget

Søknaden er vurdert opp mot gjeldande verneforskriftar, fastsett ved kongeleg resolusjon 27.06.2003 (FOR-2003-06-27-841) for Boksaspa naturreservat og 27.11.2020 (FOR-2020-11-27-2508) for Vasselen naturreservat. Det er etter § 3.1 forbod mot å fjerne plantar og sopp inkludert lav eller delar av desse frå naturreservata. Tiltaket i søknaden er ikkje omfatta av verneforskriftene, og må derfor ha dispensasjon frå vernereglane etter naturmangfaldlova (nml) § 48.

Statsforvaltaren har heimel for å gi dispensasjon frå verneforskriftene i § 48 i nml, der det heiter: *Forvaltningsmyndigheten kan gjøre unntak fra et vernevedtak dersom det ikke strider mot vernevedtakets formål og ikke kan påvirke verneverdiene nevneverdig, eller dersom sikkerhetshensyn eller hensynet til vesentlige samfunnsinteresser gjør det nødvendig. (...).*



Søknaden må vurderast etter prinsippa i nml §§ 8-12, jf. § 7. Dette er prinsipp som omfattar vurdering av kunnskapsgrunnlag (§8), føre-var-omsyn (§9), samla belastning (§10), kostnader knytt til ev. skade på naturmangfald (§11) og miljøforsvarleg teknikk og driftsmetode (§12).

Statsforvaltaren si vurdering

Formålet med Boksaspa naturreservat er å ta vare på den nordlegaste eikeskogen i verda av nokon storleik med det naturlege plante- og dyrelivet. Av spesielle kvalitetar kan nemnast at området har førekomstar av sjeldne lav- og sopparter. Formålet med Vasselen naturreservat er å ta vare på eit variert skogsområde som inneheld trua og sjeldan natur i form av rik edellauvskog og gammal furuskog. Skogen er velutvikla og med fleire sjeldne og kravfulle artar.

Ein del av formålet for naturreservata er å ta vare på sjeldne artar. Dette inkludere også sopparter. Innsamling til dokumentasjon og sikker bestemming av artar gjennomførast for å auke kunnskapen for kva slags artar som veks i områda, og er dermed nyttig kunnskap for forvaltninga. Dette kan hjelpe forvaltninga i å ta betre vare på artane og område artane lever i. Nyten av kartlegginga er dermed større enn ulempa det vil vere av å samle inn belegg frå artane.

Kartlegging vil auke kunnskap om artsmangfaldet i områda. Det å samle belegg frå sopparter er ikkje skadeleg for artane, og kartlegginga i naturreservata vil ikkje påverke verneverdiane nemneverdig, jf. nml § 48. Heilskapen i naturreservata blir ikkje vesentleg påverka, jf. nml §§ 8 og 10. Det er satt vilkår for dispensasjonen, jf. nml §§ 11 og 12. Naturmangfaldlova § 9 er ikkje tillagt vesentleg vekt.

Vedtak

Statsforvaltaren gir Risken Sopp- og nyttevekstforening dispensasjon frå § 3.1 i verneforskriftene for Boksaspa naturreservat og Vasselen naturreservat til å samle belegg av ulike sopparter i 2021 slik det går frem i søknad av 01.07.2021, og på dei vilkåra som er sett opp nedanfor. Heimel for vedtaket er § 48 i naturmangfaldlova.

Vilkår

- Begge naturreservata har som formål å ta vare på sjeldne artar, og det er viktig at innsamling av belegg er skånsamt og at det ikkje blir tatt ut meir enn det som er nødvendig for dokumentasjon og bestemming av artar.
- Vedtaket er gyldig ut 2021.
- Statsforvaltaren må kunne gjere seg kjend med kva slags artar som blir kartlagt, gjerne via Artsobservasjoner, ei liste med artane eller ein kartleggingsrapport tilsvarande den Risken sopp- og nyttevekstforening lagde i 2020.

Anna lovverk

Vi gjer merksam på at vedtaket berre omfattar dispensasjon frå verneforskrifta i medhald av naturmangfaldlova. Nødvendige løyve etter anna lovverk må avklarast med rette myndigheiter.

Klage på vedtaket

Partane i saka eller andre med rettsleg klageinteresse kan klage på vedtaket innan tre veker frå det er mottatt. Klagen må vere grunngitt, og skal sendast til Statsforvaltaren. Miljødirektoratet avgjer klagen dersom Statsforvaltaren opprettheld vedtaket. Reglane om klage på vedtak går fram av kapittel VI i forvaltningslova.



Med helsing

Bjarne Otnes (e.f.)
fagleiar

Pernille Stordal Rønning
rådgivar

Dokumentet er elektronisk godkjent

Kopi til:

Statens naturoppsyn
TINGVOLL KOMMUNE

Postboks 5672 Sluppen
Midtvågvegen 2

7485 TRONDHEIM
6630 TINGVOLL